

آدرهس :

IDJTIHAD

Constantinople

اوچنجی سنه

اجتهاد

آدرهس :

اجتهاد اداره خانه سی :

شهر امانتی قارشینده دائره

مخصوصه در .

سنه لك آبونیه بدلی ۴۰ ، نسخه سی

۲ غروشدر

آیده ایکی دفعه نشر ایدیلیر اقتصادی ، اجتماعی ، ادبی مجموعه

ایمان ، ایمان

حقنده ، بالاستحقاق « شکسپیر دن سوکره ظهور ایدن حقیقه ک بووک انکیز بودر » دینیلن (توماس قارلایل) ک « تاریخده قهرمان لر و آیین قهرمانان » عنوانلی و شانلی کتابک آتشین بیر پرستش و تقدیر ایله فرانسیزجه به متر-جی معلم (نروله) : بیر برده ، « تاریخ جسامتی قیریلش ملتلر ایچین بی اماندر . « حقیقی مدافعه ملیه بیر ایمان جدیدک حصولده در » دییوردی .

بن بوکون بوایمان دن بحث ایدمجه کم . ایمان کلمه سنک بانا ، نه تأثیر اجرا ایتدیکی سویله مه لی یم ، ایمان کلمه سندن ، انسانی بیر معبدک ایشیکنه میخلایان اعتقاد عاطف و منفعلی مراد ایتمه یورم . « ایمان » کلمه سیله وجدانک نه داخلنده نه خارجنده اولمایان ، هم خارجنده ، هم داخلنده حکمران بولونان بیر مشعل مفکوری مراد ایدی یورم . که دائماً انسانی ایله ری چکر ، یوقاری قالدیریر ، ایصیتیر ، اطعام ایدر ، فقط هیچ بیر زمان انسانده . . ایله ریله مک یوکسلمک ، ایصیناق ، مسعود اولماق ، مسعود ایتک . تنور ایتک تنویر ایتک ، حق ایچین دوکوشمک ، حق ایچین تهلکه به کیرمک ، حقیقتک مظفرتی یولنده یورومک ، دائماً یورومک و اصلا یورولماق احتیاجلاری آزالماز بواحتیاجلاری . . تنفس ایتک احتیاجندن داها مبرم داها حکملی ، داها آتشی بیر حالد مطوتار . بن بویله آکلادیم و بویله اولدینده شبهه ایتدی کم ایمانی ، عالم ادراک دن ذهناطی ایتدی کم زمان ، عالم بشر ، کونشی سونمش ، قیامت قویمش بیر عالم کی نظر خیالنه . . منہزم ، مضحمل میت وحتی متفسخ کورونور . (لورد بایرون) ک تصویر ایتدیکی (قیامت) [۲] دن داها مهیب ، داها هائل ، داها اکراه انکیز کورونور .

[۲] رؤیا یا خود قیامت — لورد بایرون (اجتهاد) ک ۲۷ نجی نومرو سنده ۷۸۸ ، ۷۸۹ ، ۷۹۰ نجی صحیفه لره باقک .

خان زاده اولدینی حالد پدرندن کندیسنه نه ثروت نه ده دوست میراث قالمامشدی . اونک میراث و جهازی بوتون بونعمتلرک فوقنده ایدی : مقدس آتش ! درایت و اراده ایله مسلح اولدینی حالد رحمت و زحمت یولنی ترجیح ایتدی . دیشلریله و طیر ناقلریله یالچین قایالری طیر مالادی . حیاتک اطرافنی آلان دیکنلری سوکدی و یاقدی . اسارت و فقر ایچنده بویون الدری حریت و استغنناک آتون هیکلنی اعمال ایتدی . ایران یویله بیر قهرمانک والدیه سی و محبوبه سی اولماقنه چوق زمانلر مغرور و مفتخر اولایلیر . ارمی اولان « یه فرم خان » جهل و تعصب یوزندن یکدیگری نه یان باقان ارنمیلدی و مسلمانلری ، چکدیکی حریت و استقلال بایراغی آلتنه طوبایلاراق

مقصود ماست یکدی و فیض خاکیان دارد ضیای مهر عمیم آفتاب ما !

دییه بیلدی و بونی دیکله ته بیلدی چونکه ، دیمشدم : اخلاص ، فضیلت .. وطن و ملیت طامناز .

(یه فرم خان) . (اجتهاد) بوتون بیر نسیخه سفی تخصیص و اتحاف ایتک ایستردی . فقط کافر و کافر نعمت زمانمز ، بونوع شائقه elan ارک اوکنده نه ایمان وضع استخفاف آلیور ! جانسز و ایمانسز زمان ! فقط بوکومورلری آتش پارچه لرینه تهویل ایتک ممکن دکلری در ؟ قاره قوت ، ایسته دیکی قادر حاقیر سین و ممکن دکلدر دیسین ؛ فقط ای دهاء سنک شانک و نشان شانک .. هرکس ایچین غیر ممکن اولانی ساحه امکانه کتیرمک دکلیدر ؟ بوالده ای نم خسته و بارملی تورکیام ! امید ایت ، مطمئن اول قالقا جاقسین ، یاشایا . جاقسین ، یاشا تا جاقسین .

۲ حزیران ۱۳۲۸

عبدالله جودت



کنج لِر ، « ایمان کلمه سنک ، کوستردیکم ، مدلولده
 ایده آل ideal کلمه سنک مدلولی وحتی بالغاً مبالغه قوتی بولسونلر ،
 « ایمان » ، تعبیرونن ایلله « ایده آل » اقوامک مابه الحیاتی
 دکل محض حیاتی دیمکدر . زده کی بومفکوره دنک نبضنه المی
 کوتورمه یه جسارت ایده مه یورم ؛ اوراده پک آزر بان
 بولماقدن ویا هیچ بیر حرکت و حیات قالماش اولدیغی
 کورمکدن قورقورم . فقط بزم وظیفه من قورقق دکل ،
 قورقماقدن ، واولولر و دیریلر اوزدرنده ، تشریح بیجاغیزی
 عینی قرار و قوتله ایشلتک در . یالانچی فضیلتلرک غیر
 تلاغنه بیجاغیزی دالیرماقدن تردد ایتیه جکزر .

بن بو مملکتده بیر یانغین کورو یورم : دائمی ،
 وکتیدیکجه متزاید بیر یانغین کورو یورم ؛ بویانغین . .
 آتشلرک دن در . آه بو آتشلرک بزى نه قادار
 ظالمانه یاقور ! بزى نه قدر خسیس و متفسخ بیردود ورماده
 قلب ایدیور ، دودمن حیاتلر تسمیم ایدن ، رمادمن ترلارلی
 فیض و برکت دن محروم بر اقان مواد مدفوعه اولیور .

بوندن بیر قاچ هفته اول باب عالی یوقوشدن یوقاری
 چقیوردم . قاعت کتبخانه سنک اوکنده بیر کنج بک نازان
 وخرامان ایلهریلله یوردی ، صاحلری ، بلکه ایکی ساعت
 اعتبا ظرفندن طرانش ، تازه جبهه نك اوزدرندن کپیریلشدی ،
 بانتولونی یکی اوتودن چیمش وپاچالری ، رغنی ایسقارینک
 اوزدرنده ایکی پارماق قادارقویریشدی ، یوروش اوقادار
 اولچولر ، نارین ، و ، بطی ایدی ، که پانتولونک اوتولولکنی
 بوزماماق ، و ایسقارینک اوزدرینه بیر توزقوندورماق ایچین
 بوتون قوت و اعتنای شباهی صرف ایتدیکی پک واضح
 اوقونیوردی . بن (کتبخانه عسکری) نکل اوکندن آیریلان
 دیک و کسیدیرمه یوله کیره رک باشقا دورلوسنی بیلمه دبکم
 سریع یوروشله یوقاری یه چقدیم . نازین پک ، اوزون
 اولان فقط دیک و متعب اولمایان باب عالی جاده سنه تعقیب
 ایدیوردی . بن کنیدی ، قیسه و دیک یولدن چیقارافی ،
 نافعه نظارت سنک اوکنده وعینی کنج ده اوراده یورور

وایله ریلر بولدیغی وقت متحیر قالدیم . بوقادار نازان
 وخرامان یوروشله بنم قطع ایتدیکم یولک بلکه اوج مثل
 بیر یولی ، عینی مدت اثنا سنده ، قطع ایتک بالطبع موجب
 حیرت وحتی موجب بهت اولماق لازم کلیوردی . بن
 اوراده متحیر و متفکر توقف ایتدم وکنج بکی دقتله بیر
 دفعه داها اوقومایه باشلادم . مزعج و بعض مرتبه غشیان
 روحانی بی حالب اولان بومطالعهمی بیترمه دن و موضوع
 مطالعه اولان میت متحرک - نهوت اونک چوقدن اولمش
 وچورومش اولدیغی لسان حالی حایقیر اراق و اغلای اراق
 سویله یوردی - نهوت موضوع مطالعه ام اولان میت متحرک
 هنوز نظرمدن چوق اوزاقلاشما مشدی ، اوصرمده عینی
 کنجک (مختار خالد کتبخانه سی) اوکندن ظهور ایتدیکنی ،
 بودفعه حقیقی ودرین بیر شاشقینقله کوردم . مکرسه بونلر
 عینی تردی ، عینی انهمزام فابریقه سنک ایکی متاع معانی
 ایش !

اوکوندن صوکره عینی متاعلری ، اطوار وکفتار -
 لرنده کی عینیت سببیله یکدیگر نندن تفریق ایده مدیکم بومتاعلری
 بیرى بیرینه قاریش دیرمایه و تفریق ایتک زحمتنه کیرمه مه یه
 آلیشدم .

بو حکایه نك ، عنوان مقاله ام ایلله مناسبی اولما دیغی
 ادعا ایدنلر بولونورسه حیرت ایتیم . و فقط
 « ارکک قاشنه چکرسه وسمه
 سن اولده ینه امیدى کسمه »

دیین بیر شاعر مرحومک حساسیت مریضه سیله حساس
 کورونه رک ملتک جانلار ناسندن ده امیدى کسم .
 بوسطرلری یازارکن و آلچاق دشمنمز ، - بزم بزم
 دشمن اولدیغمزدن برآز فضله - دشمنمز نامرد اینتالیانلر
 چناق قلعه یوفازینک (قوم قلعه) ، (سدد البحر) ،
 (اورخانه) استحکام و طایبه لرینه کولاه یاغ دیردینی شو
 صرهدده استانبولک قلب شاهی دیکله یورم ، دیکله یورم ،
 دیکله یورم !

وجدانه نه اولدی ؟ ایمان زده ؟

سلطان محمد فاتح (قسطنطین) ك ایلجیسنه خطاباً :
« کیت ایمپراطوریکه سویله (آناطولی حصاری) بایام (یازید)
طرفندن بنالیدلمش اولدینی ایچون بزمدر (روم ایلی حصاری)
محافظه سنه مقتدر اولمادیغکز ایچون اوده بزمدر ! » دیرکن
زده اوزکه بیر ایمان واردی ، اوزکه بیر توان واردی ؛
زده آرتق بو ایمان ، بوتوان قالمادی دیرسهه بنده
او ایمان وتوان دن محروم اموات متحرکه اراسنه سوروكله
نوب آتیلمايه مستحق اولورم . فقط کنجلر ! ابدی بیر
بهشت و نیران حظ و آتشیله لایق قطع بیدار و مشتعل دوران
وجدانك ، ایمانك بوتون صیحه سیله سزه باغیر ییورم :

بوکون صاچلر منك انتظام وضعیتینی تأمین ایچین ،
اسقار پلر منك ایك باغنه قاعده لی بیر فیانغو یا پماق ایچین
بیر ساعت عمر منی ، یارم ساعت عمر منی ضایع ایده جك
عصرده دكلز ؛ زمانده دكلز ، دیمه یورم ، عصرده دكلز
دیورم !

اقوام فاضله .. فکروطنی ، فکر حریتی ، فکر قومیتی ،
فکر عالمی استخفاف ایده رك دکل ، بونلرک هر عصر
ودورده ، هر قومه ویرمش اولدینی ویرمکده اولدینی ،
ویره جکی فیض قوت و قوت فیض ایله بقا و حیثیتلرینی محافظه
ایتمشلردر ، ایدیورلر و ایده جکلردر . بونا ایمان ایدیکنز .
ایمان ! ایمان !

۶ نیسان ۱۳۲۸ ایستانبول

عبدالله جودت



تشخیص و تدای

طیبه دن مدحت نزیهی بکه

(حق) ك ۱۶ نیسان ۱۳۲۸ تاریخلی نسخه سنده
نشر ایدیلن مقاله کزی دقت و حظ ایله او قودم .

بیانکرده کی ارکک اسلوب و بواسلوب ایله ادا اولنان شدت
صمیمیت کوکله تسلی کتیردی .

۱۲ مارت ۱۳۲۸ تاریخلی (هدف) غزته سنده منتشر
آچیق مکتوب ، ۱۷ مارت ۱۳۲۸ تاریخلی (حق) ده
(جواب عتاب) ك نشر اولونماسنه و بومقاله ده ، اوزمانه
قادر بیر مناسبت دوشمه مش اولدینی ایچین اظهار ایدلمه مش
ارلان بعض عقیده لرمك اظهار و ایضاح اولونماسنه بیر سبب
مفید اولمشدی .

سزك مکتوبکز دخی بعض فکرلرمی تنویره یول
آچدی ؛ بوجهته مشکور سکرز .

(ایمان ! ایمان !) مقاله سنده موضوع بحث اولان
اجتماعی خسته لغمزك تشخیص دکلدی ، و تشخیص ایتك
- باخصوص بویله خسته لقلرده - صورت تدایینی بولماق
و کوسترمك دیمکدر ؛ بن یا انکز اعراض قارشینسده باغیردم .
بیر خانه نك بیر کوشه سندن دومان و آو چیقادیغنی کورن
بیر آدمك یا نغینك نهدن حاصل اولدیغنی ، ناصل باشلادیغنی
ناصل دها قولای سوندوروله جکنی دوشونمکسزین یا نغین
وار ! دییه باغیرماسنه مشابه بیر فریاد ایله باغیردم . « بن
بوملکتهده بیر یا نغین کورویورم ؛ دائمی و کیتدکجه مزاید
بیر یا نغین کورویورم . بویانغین . . آتشسزك در ، آه بو
آتشسزك بزى نه قدر ظالمانه یا قیور ! بزى نه قدر خسیس
و متفسخ بیردود ورماده قلب ایدیور . . . دیمشدم
و بوسوزلر هیچده تشخیص ماهیتی حازر دکلدر . بیر قسم
کنجلرک « هیچ بیر ایمان » مالک اولما دقلرندن شکایت و تظلم
ایتدم .

آنجاق بوکون تشخیصه کیریشه حکم ، و کندیمه طبیی
دکل ، « سوسپولوج » ی دلیل الاچانم . درد اجتماعی نك
اسبابی ، اعراضی ، تشخیصی ، اندازینی ، تدایینی
یا انکز طبیب اجتماعیدن اوکره نه بیلیرز .

اطبای اجتماعیه بی دیکله یلم : بیر قسم کنجلردم کورولن ،
روحانی خسته لق ، سحیه سزك نامی ویریه بیلن بیر حالتدن